



Tigummigallagaasussanngorpunga – maannakkut susoqassava?

Tigummigallagaasussanngorputit.
Isumaqqanngilaq pineqaatissinneqartutit.
Pisinnaatitaavutit illersuisoqarnissannik.
Illersuisup illit kisivit soqutigisatit
tunngavigalugit sullittussaavaatit.

Apeqquissarpassuaqassaatit
akissutissarsiffigerusutannik. Taamaattumik
illersuisut misilittangaqarluartut, una
atuagassiaaraq sanasimavaat,
paasititsissutigerusullugu, illersuisup qanoq
ikiorsinnaaneraatit,
tigummigallagaasussanngorsimaguit
pinerluttoqarsimanermik suliaqartoqarnerani.

Illersuisut sianerfigiuk

Tigummigallagaaninni illersuisup
pulaartassuaatit, paasitinniarlutit suliaq qanoq
ingerlanersoq. Illersuisunnut
sianertarsinnaavutit imaluunniit
allangaqarsinnaallutit. Illersuisunnut allakkatit
allanit misissorneqarnavianngillat.
Illersuisunnut sianerusunneruguit,
isertitsivimmi sulisoq peqqusinnaavat
sianeqqullugu, illersuisut oqaluunniassagakku
imaluunniit nalunaarummik tuniniarlugu.

Illit soqutigisatit kisiisa najoqqutaralugit

Illersuisup pingarnerpaatut suliassaraa illit
ikiussallutit suliap ingerlanerani. Suliap
misissorneqarnerata nalaani aammalu
eqqartuussivimmi aaliangiiffingineqarnissaani.

Illit pisinnaatitaavutit illersuisussannik allamik
toqqaanissamik. Eqqartuussivimmit
illersuisussannik tunineqarsimaguit imaluunniit
illit nammineq toqqakkannik illersuisoqaruit,
taanna politiinut, unnerluussisunut aammalu
eqqartuussivimmut
attuumassuteqarnavianngilaq.

Illersuisoqaruit taassuma kisimi, suliassaq
ilinnut tunngasoq ingerlassinnaavaa.

Illersuisut atoruk

Illersuisup ikiussavaatit politiit misissuinerisa
nalaanni, aammalu eqqartuussivimmi suliap
ingerlanneqalernerani. Ikiorneqarsinnaavutit
apeqquutinut pingaarutilinnut assigiinngitsunut.

Illersuisut makkununnga atorsinnaavat:

- Killisiorneqarnermi / apersorneqarnermi***

Pisinnaatitaaffeqarputit illersuisut ilagissallugu
politiinit imaluunniit eqqartuussivimmi
killisiorneqarnermi / apersorneqarnermi. Illit
nammineq aaliangissavat apeqquutit
akisarusunnerlugit. Apeqquutit
akisarusunnerlugit aammalu illersuisut politiini
killisiorneqaleruit / apersorneqaleruit
ilaassanersoq pillugu akissuteqannginninni
pitsaanerpaajuveq illersuisut
oqaloqatigeqqaarnissaa.

- Uppernarsaatit pingaarutillit***

Illersuisut oqaluttutissavat isumaqaruit
iluaqutaassasoq takunnittuusimasut
aaliangersimasut apersorneqarnissaat.
Illersuisup politiit peqqusinnaavai,
takunnittuusimasut aaliangersimasut
apersorneqarnissaat.

Illersuisut oqaluttutissavat isumaqaruit
teknikkikkut misissuinerit
ingerlanneqartariaqartut.

- Politiit pappiaraataat***

Politiit pappiaraataat illersuisunnut
nassiunneqassapput, taassumalu pulaassavaatit,
suliassaq eqqartorniassagassiuk. Illersuisut
ilaatillugu politiit pappiaraataat
atuarsinnaavatit. Politit pappiaraataat
illersuisup ilinnut tunniussinnaanngilai. Aamma
illersuisup pappiaqqat allanut
tunniuteqqusaaanngilai atuardeqqusaaanagillu.

Politiit illersuisoq peqqusinnaavaat ilinnut
oqaluttuassanngitsoq suliami aaliangersimasut
pillugit. Soorlu makkuusinnaapput, qanoq

takunnittut imaluunniit allat peqataasut politiinut nassuaasimanersut. Illersuisulli oqaluttuussinnaavaatit, politiit taama peqqusisimanerannik.

- ***Oqaloqatigiinneq allanut ingerlateqqinneqarnavianngitsosq***

Illersuisup politiinut allanulluunniit suut eqqartorsimanerisi ingerlateqqeqqusaangnilai. Aatsaat isumaqatigiissimangussi illersuisoq politiinut oqaloqatigiissutaasimasunik ingerlatitseqqissinnaavoq. Oqaloqatigiinnermi nutserisoqarsimaguit, nutserisoq oqaloqatigiissutaasimasut pillugit allanut ingerlatitseqqusaanngilaq. Toqqisisimallutit illersuisut oqaloqatigisinnaavat, oqaloqatigiinnersi allanut ingerlateqqeqqusaanngimmat.

Nutaamik illersuisutaarneq

Ilit nammineq aaliangersinnaavat kina illersuisorerusunnerlugu. Allamik illersuisoqarusukkuit, allagaqarsinnaavutit illersuisorerusutannut. Imaluunniit allagaqarsinnaavutit eqqartuussivimmut imaluunniit politiinut. Isertitsivimmi sulisunit ikiorneqarsinnaavutit adressi eqqortoq ujarnerani.

Eqqartuussivik illersuisumik nutaamik kissaateqarnermi tamatigut akuersineq ajorpoq. Imaassimasinnaavormi illersuisoq kissaatigisat allamut illersuisuusoq suliami tassani. Aamma imaassimasinnaavoq nutaamik illersuisortaarniaruit suliassaq kinguaattoortussanngussasoq, illersuisussap nutaap piffissarujussuaq atorlugu suliassaq iserfiginiartussaassammagu imaluunniit illersuisussaq nutaaq piffissami aaliangersimasumi eqqartuussiviusussami piffissaqanngimmat.

Illersuisumut akiliinissaq

Eqqartuussiviup illersuisussat invertissavaa, apeqquaatinngu illit nammineq imaluunniit eqqartuussiviup illersuisussat nassaarisimaneraa. Tamannalu isumaqarpoq illersuisup akissarsiassai naalagaaffimmit akilerneqarallassasut. Pinngitsuutitaaguit illit illersuisuit akissarsiassai akilissanggilatit. Pisuutaaguilli eqqartuussivik immikkut aaliangersinnaavoq illersuisup akissarsiassai tamakkiisumik imaluunniit ilaannakortumik akilissagitit. Taamatuttaaq aamma siornatigut allamik/ allanik illersuisorisimasavit /tit akissarsiai pillugit.

Eqqartuussiviup malittarisassat malillugit aaliangigaanik illersuisoq akissarsisinneqassaaq, qanoq akissarsisitsisoqartarneranik illersuisut paassisutissiisinnaavoq. Illersuisut advokatiuppat, taava eqqartuussiviup tiimimut 1400 kr. tunnavigisarpaat.

Akissarsiassaaq naatsorsorneqassaaq illersuisup piffissaq suliassamut atuinera najoqqtaralugu, soorlu killisiuinerni/ apersuinerni najuunneq, isertitsivimmut pulaarneq aammalu eqqartuussinermi ilaaneq.

Eqqartuussivimi peqataanermut akissarsiassamut naatsorsuinermi ilaatinneqartarpoq piareersarneq. Taamaattumik illersuisoq 1 time eqqartuussivimmikkaangami akilerneqartarpoq akunnerup aappaa qiteqqullugu.

Illersuisoq naalagaaffimmit akissarsiassami saniatigut allanik akissarsiaqaqquaanngilaq.

Illersuisumik aaliangersimasumik kissaateqaruit, illoqarfisisap avataani najungalimmi, illersuisussaq invertinneqarsinnaavoq, angalanermut aningaasartuutit ilanngunneqassannginnerannik nalunaarutitalerlugu. Taamaassappat

illersuisoq angalanerminut aningaasartuutai imaluunniit angalanermut piffissaq atugaa naalagaaffimmit akilerneqarsinnaanngilaq. Illersuisup angalanermut anigaasartuutini isumakkeerinissutigerusunngikkunigit illinnut akiligassanngortissinnaavai. Allaganngorlugu paasitinnejassaatit, taamaasillutit allamik illersuisussamik qinnuteqarnissamut periarfissinneqarniassagavit.

Pulaarnermi aammalu allakkatigut sissuerneqarneq (P+A)

Pisinnaatitaavutit pulaarneqarnissannik, aammalu pisinnaatitaavutit allagarsisinnatitaallutit allakkanillu nassitsisinnatitaallutillu. (P+A)
sissuerneqaruit, taamaallaat pulaartoqarsinnaavutit politit najuutsillugit. Politiit aaliangiisimappata, pulaartoqassanngitsutit, eqqartuussivimmut qinnutigisinnaavat aaliangiiffigineqassasoq politit aaliangiinerat.

P+A sissuerneqaruit, politit allagarsiatiit atuassavaat aammalu pisinnaatitaallutik allagarsiassatit 'unitsinneqassasut' (ilinnut ingerlateqqinneqassanngitsut). Taamatuttaaq allakkat isertitsivimmiit nassiunniakkatit, suliaq pillugu eqqartuisimaguit.

Politiit allagarsiassatit imaluunniit allakkatit 'unitsissimappatigit', eqqartuussiviup aaliangissavaa akuerisinnaanerlugu. Illit illersuisullu paasitinnejassaasi tamanna pillugu.

Ilaquttanut attaveqarneq

Immikkut paarisassatut isertitsivimmiikkuit imaluunniit P+A sissuerneqaruit, illersuisup ilaqtannut, ikinngutinnut aammalu sulisitsisunnut paassisutissanik ingerlatitseqqusaanngilaq politiniit akuerineqaqqartinnani. Politiit taama iliornissamut akuersinnigippata illit nammineerlutiit allattariaqassaatit, politiiniilli atuarneqassapput nassiutinnginnerini.

Illersuisoq eqqartuussivimmi ingerlatsinernit matoqqasunit, suliamillu pappiaqqanit imaqarnersiueqqlusaanngilaq.

Pulaarneqarnissamut akuersissut

P+A sissuerneqanngikkaluaruilluunniit, isertitsiviup inuit pulaartorerusutatit akuereeqqaassavaat. Tamanna pisarpoq isertitsivimmi sulisunut saaffiginninnikkut.

Immikkut paarisassatut isertitsivimmiikkuit imaluunniit P+A sissuerneqaruit, illersuisut piumasaqarfingisinnat politiinut saaffiginnissasoq kikkut pulaartorerusunneritit nalunaarutigalugit.

Tigummigallagaaneq

Politiit misissueqqissaarnernik ingerlatsineranni, sivisunerpaamik tigummigallangassanngortinneqarsinnaavutit sapaatip akuneri sisamakkaarlugit. Piffissarititaq qaangiuppat eqqartuussisup aaliagissavaa tigummigallagaqqinnissannut tunngavissaqarnersoq. Eqqartuussivimmi aaliangiiniarneq sivisuneq ajorpoq, illillu pisinnaatitaavutit najuunnissannut.

Illersuisoq pisinnaatitaavoq akerliliinissaminut aammalu tunngavilersuisinnaalluni iparangaanissat pillugu. Illuatungaanili politeeq tunngavilersuissaq, sooq tigummigallarneqarnerit sivitsorneqassanersoq.

Eqqartuussisoq tigummigallarneqarnerit arlaleriarlugu sivitsorsinnaavaa. Annerpaamik sapaatip akuneri sisamakkaarlugit. Eqqartuussivimmi tigummigallagaanermik sivitsuinissamut aaliangertoqassatillugu pisinnaatitaavutit eqqartuussivimmi najuunnissannut. Eqqartuussisup iperanngippatit naammangittaalliorstinnaatitaavutit Nunatta Eqqartuussivianut.

Nammineq sivitsuisoqarnissaannik akuersineq

Piffissaq tigummigallagaaffiusup naalernerani, illit illersuisoq ilagalugu aaliangersinnaavusi, illit nammineq piumassutsinnik tigummigallagaanerit sivitsorneqassasoq sapaatip akunnerinik marlunnik imaluunniit sapaatip akunnerinik sisamanik. Taama piumasaqarniaruit, illersuisup eqqartuussivik allakkatigut ilisimatissavaa. Taamaasiорnerup kingunerissavaa, eqqartuussivimmi aggersaalluni sivitsuisoqannginnissaa.

Immikkut inissinneqarluni isertitsivimmienneq

Eqqartuussisup aaliangersinnaavaa, immikkut inissinneqarlutit isertitsivimmienneqarlutit paarnaarussat allat ilaginagit. Eqqartuussisup aaliangiinera naammangittaalliutigisinnaavat Nunatta Eqqartuussivianut.

Nalornissuteqarpit?

Illersuisup tamatigut oqaatigisinggaaneq ajorpaq qanoq isinerani pulaartoqassanersutit. Taamaattumik isumatusaарнеруvoq apeqqtissatit tamaasa allattorsimagukkit, illersuisup pulaarnissaanut.

Arlaatigut nalornissuteqaruit suliaq pillugu, pisinnaatitaavutit illersuisoq isertitsivimmienneq attavigissallugu.

Illersuisup aqqa naggataalu: